



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Sra Joselin Croes lo bira directora nobo di Arubahuis

Cu un director nobo, awor Arubahuis por concentra riba e 5 pilarnan cu nan a stipula pa nan mes

MANEHO DI ARUBAHUIS



PRIORIDAD CU NOS HENDENAN

(Studentenan,
Arubianonan cu ta biba y
traha na Hulanda,
Arubianonan na Hulanda
pa motibo medico)



TAREA DEN GOBIERNO DI REINO



TAREA DEN UNION EUROPEO



COOPERACION CU INSTITUTONAN HULANDES

(Gemeenten,
Provincies, Instituten,
Hoge Scholen Y
Universiteiten,
Het Bedrijfsleven)



COOPERACION CU EMBAHADANAN

Durante conferencia di prensa di Gobierno, Prome Minister Evelyn Wever-Croes a anuncia cu Arubahuis lo tin su directora nobo pa comienso di December 2023, cu lo ta sra Joselin Croes. Manera ta conoci, Arubahuis ta representacion di Aruba na Hulanda y Europa, y p'esey ta importante pa tin un Arubahuis stabiel.

Cu e nombracion di sra Croes, awor Arubahuis lo por concentra riba e 5 pilarnan cu nan a stipula pa nan mes. Prome Minister a indica cu ta importante pa logra fortifica e 5 pilarnan aki, pa asina Aruba ta mas visibel, y alabes crea mas oportunidad pa nos hendenan.

E prome pilar ta enfoca riba e prioridad cu nos hendenan. Esaki ta conta pa tur Arubiano cu ta bay Hulanda pa biba of studia, of cu ta eyman pa motibo medico. E di dos pilar ta e tarea den Gobierno di Reino, paso Aruba tin un rol akinan, y Arubahuis como nos representante lo yuda den esaki.

E di tres pilar ta e tarea den Union Europeo, paso akinan

tambe Aruba tin un rol pa hunga y Arubahuis lo yuda akinan tambe. E di 4 pilar, ta e cooperacion cu institutonan Hulandes, Aki ta referi na Gemeente di provincianan, otro institutonan manera hogescholen y universidadnan di e sector comercial, tur diferente instituto cu mas cooperacion, paso esaki lo trece cu ne mas oportunidad pa Aruba y nos hendenan. Por ultimo, cu ta e di 5 pilar, ta cooperacion cu embahadanan paso con cu bay bin Arubahuis ta nos representacion na Hulanda y Europa, y e cooperacion cu embahadanan ta importante.

"Cu esaki, ohala cu na December caba, tin un director nobo, y un candidato nobo pa bira Minister Plenipotenciario na Washington. Unabes cu Aruba tin su representacion na Washington, e lo por reemplaza sra Croes, pa asina e por cuminsa funcion na Hulanda como directora di Arubahuis. Manera cu nos haya e ultimo indicacion di Hulanda, nos lo anuncia tambe, ken ta bira e candidato nobo pa Minister Plenipotenciario na Washington" Prome Minister a expresa.